

خبر الکلام

صاحب امتیاز و مدیر مسؤول
حسین شعی

سر محرری :
احمد شیرانی

۲۳ ربیع الاول

۶ شباط

ماقل و دل

[بخشبده کونلری]

قل الخیر والافاسکت

[نشر اولنور]

نصائح قرآنیہ

(یا ایہا الذین آمنوا هل ادکم ... الآیۃ)

سورۃ صف

ترجمہ

[ای مؤمنان ! . سزی عذاب الہمدن قور تار بر بر تجارتہ دلالت ایدہ می ؟ .. جناب اللہ ایلہ رسول کریمہ ایمان ایدر ، حق بولندہ مالکزلہ ، جانکزلہ مجاہدہدہ بولور سکز . بیلسہ کز بو ، سزک ایچون نہ قدر خیر لیدر !]

مطالعہ

حکیم مطلق حضر تلی بو آیت جلیلہ سیلہ انسانلری بر شہراہ سلامتہ ، بر ساحۃ فیض و ہدایتہ ارشاد ایدیور . شہہ یوقک : بیکارجہ عوالم بدیعہ نک مبدع عظیمہ ایماندن و وسیلہ ہدایت اولان بر حی ذیشانک رسالتی تصدیقندن ؛ اعلائی کلمۃ اللہ ایچون مالاً ، بدنأ ابدال مساعیدہ بولمہدن دہا علوی بر سبب سماعت تصور اولمہ ماز .

اسلامیت ؛ انسانینی اعلا ایچون ؛ انسانیتی اقضای کالاتہ ایصال ایچون احسان بیورلمش بر دین جلیل فطریدر . اسلامیت ؛ انسانلرک تکملات اجتماعیہ مظهریتی ؛ انسانلرک ہر درلو

تجاوزات بہیمہدن اجتنابی آمردر ؛ ایشتہ بونکچوندرکہ اسلامیت ، خارق العادہ بر سرعتلہ انتشار ایتش ؛ بتون متفکرینی جاذبہ سہاویہ سنہ مفتون براقشدر . یوقسہ اسلامیت ؛ بعض اعدای دینک دیدیکی کچی قبلنج قوتیلہ انتشار ایتش ؛ جبراً قبول ایتدیرلمش بر دین غیرطبیعی دکلدر .

واقعا اسلامیتدہ جہاد ؛ بر فریضۃ دینیہدر ؛ لکن بو فرضیت بر مدافعۃ مشرعوعدن باشقہ برشی دکلدر . معلومدرکہ : انسانلر نہ قدر تکمل و سنور ایدرسہ ایتسون ینہ بر طاقم احتیاضات حیوانیہ نک تحت تأثیرندن خلاص اولہ ماز ؛ بر برینک مقدساتنہ تجاوز ایتکدن کندیلری آلہ مازلر ؛ بونکچونردہ جمعیات بشریہ آرمسندہ قیامتہ قدر مجادلات حیاتیہ دوام ایدر کیدر : [الجہاد ماض ...] ایشتہ بویلہ محترص ، متجاوز انسانلرہ قارشو مقدسات دینیہ و ملیہ بی محافظہ ایچون ہجرت نبویہ نک ایلاک سنہ سندہ [اذل للذین یقاتلون ...] آیت عظیمہ سیلہ جہاد فرض اولمش ؛ اعدای دینہ قارشو وسائط لازمۃ حریریہ ایلہ تجہیز ایدہ بولنہ می ؛ [واعدوا الہم ...] نظام شریفیلہ امر اولمشدر .

اسلاملر بتون علم انسانیتلہ خوش کچمک

ایست؛ طریق صالح و صلاح‌آوردن آری، اقامت منزلت
 هله مجبوریت قطعیه کورلاندکه هیچ بر ملته قارشو
 تجاوز آئده بولمخی خاطره کتیر من + جنساب
 حافظک :

« آسایش دو کیی تفسیر این دو حرفست
 با دوستان تلافی ، بادشمنان مدارا »

[یعنی : ایکی جهانک راحتی شو ایکی
 حرفک تفسیریدن عبارتدر : دوستاره لطف
 ایتمک ، دشمنلر ایله حسن معاملهده بولمقی .]
 دستور حکمتیه امتثال ایتمک ایستلر . لکن
 دشمن هر درلو مزایای انسانیهدن محروم اولور
 هر درلو احتیاجات حیوانیه سنه مغلوب بولنه رق
 حیات مقدسه اسلامیه بی استحقاقه قالی شیرسه
 بالطبع حضرت جامینک :

« آسایش دو کیی کبریم که این دو حرفست
 با دشمن بد اندیش مشکی بود مدارا »

[یعنی : فرض ایدم که ایکی عالمک راحتی
 شو ایکی حرفدن عبارت اولسون ، لکن فنا
 دوشون بر دشمنه قارشو مدارا ایتمک ده یک
 کوچدر .] بیت حکمت مائلی رهبر حرکت
 اتخاذ ایدر + معالی اسلامیه بی وقایه دشمن
 بد طبیعت ایله چارشمقدن قاچنارلر .

بر شاعر حکیمک : [دشمن غفلتمده دکلدر ،
 دائماً مترصد فرصتدر ، عارضی بر مسالته کومنه رک
 لهو و لعبه طالع ، کلنجی بی اراق ...] مآلندمکی :

« غیرلاه عداک فاطرح اللهو

« ولا تغرر بعارض سلم »

یعنی نه قدر طوغریدر ! . وطنی سوهن +
 مقدسه سانه محبت ایدن ملتلر اویاق بولنور +
 اطرافنی محیط اولان دشمنلرک امان و افکارنی
 نظر مراقبهدن اوزاق بولنریمار + دشمنک
 محاصره ایله فریده آلدانه رق تدابیر لازمییه

توسلدن کبرو طورمازلر .

شایان تأسفدر که بز ، برمدنیری بو خصیصه
 انتباهدن محروم بولنوروز ، توانی ایدن فلاکتلردن
 حالا بر حصه عبرت آله میوروز . بر زمانلر
 جهانک هر طرفنده بارلایان + اشعه علویه سیله
 هلالاره تفوق ایدن + روح اسلامیتی بر حس
 لطیف افتخار ایله اهتزاز کتیرن بار اقلر من ،
 سنج اقلر من بو کون دشمنلرک منحوس آیاقلری
 آلتنده چکنه نیور ، بر زمانلر انحرار محیطه ملک
 داغله یله چارپیشه چارپیشه عظمت اسلامیه بی
 یار و اغیاره قارشو محلی ایستدرن دو تنامز
 بو کون یونان سفائن حربیه سیله چارپیشه حق
 بر حالد بولنیور .

ای مسلمانلر ! ای وطنی سوهن حقیق
 عثمانیلر ! . سز او بارلاق بارلاق موقتیه
 نائل اولان محترم اسلافک اولادی دگیسکز ؟
 بو کون مقبرلری الحق دشمنلرک آیاقلری آلتنده
 قالان او معزز اجدادمنک ، او شایان تعظیم
 شهیدمنک روحلری اوزریمزده اوچوشور +
 عطیات روحیه منزه تأسفالر ایدرک دیورلر که :
 ای اسلاملرک عالملری ! . خطیبلری ! .

شاعرلری ! . نه طور دیورسکز ؟ . طوندیکزمی ! .
 فیض لطیف روحدن محرومی قالدیکز ؟ . نندن
 سسکز جیقیر ؟ . نیچون شو سونکین ملنک
 استقبالی بارلانغه چالشمبورسکز ؟ . ملتی
 اویاندیریکز + حیت ملییه غلیبانه کتیریکز +
 اولانجه فضیلتکیزله ؛ اولانجه طلاق و فضاحتکیزله
 وظیفه رشادی ایقابه چالیشکز ! . [الدال علی الخیر
 کفعا له .] ای زنکیلر ! . ای بش اون غروشی
 جانی قدر سوهن اختیارلر ! . سز بو وطنده
 دوغوب بیسودیکز + سز بو وطنک نعمتیه
 پرور شایب اولدیکز + بو کون وطن سزک کیسه

اولدیفغز تهلكه لردن تهلكه ذات و مسكتندن
قور تولاچغز محققدر ، چالشمهك بولى بيلان ،
چالشمقدن ، قازاغندن ذوق الان بر ملت هيچ
بر زمان قور قامليدر ، بالعكس بر ملت حيات
دامار لى كيرن تباللكدن ، آنك ايچون كسب
وتجارى الله تعالى ده امر ايتشدن ، پيغمبرده

فقط نهدى يلم بر قاج عصر دنبرى دور استبداد
تاثير يله مى در ؟ نه در عالم اسلامده ، سعادتي دنويه
واخرويهك مدار استحصالى اولان ايشلهك ،
قازاغق خصوصلر نده بويوك بر قايفوسزاق ،
قنا بر طويغوسزاق ، ايم بر كوشكلك حاصل
اولمشدى ، آرق الله چوق شكرلر ايتلى ز
مسلمانلر اوقار اناق دورلر قبوسنى قاباديلر ،
ايش باشه كچديلر .

بز معاشر مسلماننه ترتب ايدن وظيفه بويله
تسببات تجاريه و صنايعيه كيريشن اهل اسلامى
تشويق وتشجيع ايتكدن بوايسه پاره لريزى
مؤسسات اجنبيه قابدير مامقله ، احتياجايمزى
اسلام تجارخانه لردن ، معمولات و مصنوعات
اسلاميه دن تداركك اولور ، ده اآچه جسي
اسلاملردن آليش و يرش ايتكك اولور ، آرق
هر اسلام قفاسنه شون ايوچه قويملدر ك دنياه
پاره ديمك ، حيات ، جان ديمكدن مال جانك
يولغسيدر دين آتاليمز يك طوغرو سويله ،
مشلردن ، پاره لريزى و يرديكمز برلرى اولجه
اكلاملى صكره و يرلى ز اولكى سر سملكلردن ،
ديوانه لكلردن ، ميراث يديلكدن واز كچكى ز ،
آرق بزم صايفيسز لغمزدن ، بودالالغمزدن چيكن
ميقرو بلرى ، حريم محلاتمه قدر صوقولان يونان
مقرو بلرى بسلمكنن چكمنلى ز .

اسلام اصنافه معاونت ايتك . اسلام
معمولاتنه رواج و بر لك هم دينى ، هم
وطنى بورجدر بر حديث شريف مفسادنجي

حيثكزه عرض احتياج ايديبور ، امدادينه
قوشكز ، وطنك محافظه سنه ، اسلاميك اعتلاسنه
غيرت ايله يكز ، حضرت پيغمبرك : [برغازى نى
تجهيز ايدن بالذات غزا ايتش كيدر .] مانده كى
امر نبويسنى هيچ خاطره كتر ميورميسكز ! ..
اى وطنك كنجلرى اى سعادت و طنيهك
نامزدلرى ! . سزك عهدئ غيرتكزه يك مهم
وظيفه لرتب ايديبور ، وطنك سلامتى سزك
قائمدر ، سز بو مظالم كونلردن قور تلق ايستر ،
بو مظلوم ملتى بر آنى منوره ايصال ايتك
آرزو ايلر ايسه كز متصل چاليشكز ! . علما ،
فكرآ بوكسلكم ايچون چاليشكز ! . بيكارجه
نى كناه قرداشلر كزك خون شهادتيله طوبراقرلى
كلكون ايدن او غدار دشمنلر كزدن انتقام
آلى ايچون چاليشكز ! .

الله يعاونكم فى كل الامور

فاتح درسما لردن ارضروملى :

عمر نصوحى

انتباه اقتصادى

نفدر خوشمزه كيديور ، ملت اسلاميه ده
برفض انتباه كورديورز ، مالى و اقتصادى اولان
بوانتباه ، بو حسن رهاكار ، آرزوودعا ايدر زك
عيم و دائم اولسون .
ملت اسلاميه بونجه آجى تجر به لردن صكره
اكلادى و طويديك زروتمز ، پاره سز حاكيت
مكن دكلدر ، ممكن اولسه ده حكمت يوقدر ، پاره
كيمده ايسه حاكم اودر ، مهر كيمده ايسه سلمان
اودر ، بونك ايچوندر ك مسلمان عالمى دور تيظه
كير مك اوزر در . صنايع ، تجارته و ساثر سالك
اقتصاديه تثبت ايدنلر ك عددى آرتقمده در ،
بوفيض اقتصادى انكشاف و تعمم ايدر سه محاط